

良鄉縣志

子勳署卷

良鄉縣志卷之七

物產志

穀屬 蔬屬 果屬 蔬屬 貨屬 木屬 藥屬
花屬 草屬 禽屬 獸屬 鱗屬 介屬 蟲屬

土之貢職必書自夏后氏昉也以阜其財求而利其器用兆民賴焉亦誌之惟悉蓋愛土服饋穡人成功俗之上也羽毛齒革化居懋遷俗之次也貨則棄於地力則匿於身皆竄媮生民罔攸恃俗之下也故君子重物產也

穀屬

黍

有白黃黑三種爾雅翼黍有赤黍黑黍黏者別名秠北人謂黃米亦曰黃糯李時珍曰稷之黏者為黍粟之黏者為秠梗之黏者為糯今俗不知分別通呼秠與黍為黃米矣

稷

有白黃黑三種羣芳譜一名櫟一名粢關西謂之糜冀北謂之繫米似粟而稍大

良鄉縣志

卷七物產志 穀屬

稻

色黃鮮麥後先諸米熟炊飯疎爽香美故以供祭

羣芳譜一名秣有粳有糯粳即秠也粳之小者謂之秠種類甚多北方地平惟澤土宜旱稻良地水泉不旺稻田甚少近年水碾屯葫蘆堡等村間有開渠引廣陽河種水稻者

粟

羣芳譜北方直名之曰穀脫殼則謂之小米實則五穀中之一梁屬也種類甚多熟有早晚北人日用不可缺者周禮地官註北方水土深厚窖地而藏可數十年不壞

麥

羣芳譜一名來俗稱小麥秋種夏熟具四時中和之氣兼寒熱溫涼之性繼絕續乏為利甚普故為五穀之貴亦可春種至夏便收然不及秋種者性有南北之異北地燥多多雪春少雨麥晝花薄皮多麵食之宜人陳者更良

大麥

羣芳譜一名牟小麥磨麪作餅餌大麥止堪碾米作粥飯磨麪作醬及喂馬用他如穰麥燕麥雀麥大抵與麥一類而異種

蕎麥

羣芳譜一名收麥一名烏麥一名花蕎立秋前後下種密種則實多稀則少八九月熟最畏霜數年來又宜早種遲則少收

蜀黍

羣芳譜一名高粱一名蜀黍一名蘆稜一名蘆粟一名木稷一名荻梁米有二種黏者可和糯秫釀酒作餅不黏者可作糕煮粥亦可養畜莖可織箔編席夾籬供爨梢可作笊帚殼浸水色紅可以釀酒有利於民者最博良地所種近有數色有紅黃白之異

玉蜀黍

李時珍本草苗葉俱似蜀黍而肥矮高三四尺六七月開花成穗如秕麥狀苗心

良鄉縣志

卷七物產志 穀屬

二

別出一苞如櫻魚形苞上出白鬚垂垂久則苞拆子出顆顆攢珠黃白色可炒食炒拆白花如炒拆糯穀之狀亦可煮食亦可磨麪俗呼玉米

脂麻

羣芳譜一名油麻一名胡麻一名巨勝沈在中筆談云胡麻卽今油麻古者中國止有大麻張騫始自大宛得油麻種來故名胡麻李時珍曰脂麻有早晚二種黑白赤三色取油以白者爲勝

火麻

卽大麻也羣芳譜一名好麻一名漢麻雄者名梟牡麻雌者名苴麻苧麻五六月開細黃花成穗隨卽結實似蘇子而大剝其皮作麻績之可爲布其穉白而有稜細者可爲燭心

黑豆

羣芳譜豆者莢穀之總名也農書黑豆中最細者曰櫓豆一曰料豆北人以飼馬

小豆

畿輔通志有赤白二種又有雜色

綠豆

羣芳譜綠以色名也作菜非圓小者佳有二種粒粗而色鮮者爲官綠又名明綠皮薄粉多粒小而色暗者爲油綠又名灰綠皮厚粉少早種者名摘綠可頻摘也遲種名拔綠一拔而已可磨麪可作粥飯水泡磨爲粉可作餌蒸糕盪皮漏條夏日煮湯飲能清熱去暑爲食品中必需之物亦可飼牲畜

黃豆

羣芳譜有大小二種苗葉莢其與黑豆無異惟葉之色稍淡結角比黑豆稍肥其豆可食可醬可豉可油可腐腐之滓可喂猪荒年人亦可充饑油之滓可糞地其可然火葉名藿嫩時可爲茹

豌豆

羣芳譜種出西胡北土甚多八九月下種亦有春種者嫩時色青可煮食老則斑不可煮食可作麪食餠磨粉麪甚白而細膩百穀之中最爲先熟又耐久藏近都

良鄉縣志

卷七物產志 穀屬

三

中於冬春之間種苗食之其味甚鮮

扁豆

通雅脾豆扁豆也或作蘊豆有紅白二種莢似羊眼或呼爲羊眼豆白者可入藥作果羹亦用之

蠶豆

太平御覽蠶豆亦名胡豆張騫使外國得種歸

稗

野生色深綠根下葉帶紫色梢頭出扁穗子如黍茶褐色可救荒

稊

苗似稗而穗如粟有紫毛卽烏禾也可救荒

穆子

羣芳譜一名龍爪粟一名鴨爪稗北地荒坡處種之苗葉似穀至頂抽莖有三稜開細花結穗如粟而分數岐狀如鷹爪子如黍而細

豇豆

本草一名豨躄嫩時充菜老則收之

菜豆

先熟者俗名五月鮮大而圓者名金剛圈青而長者名絲瓜青

刀豆

嫩青時烹食醬醃皆佳俗呼為雲扁豆今有一豆來自外洋莢大於尋常數倍俗呼為洋扁豆

薏米

煮粥炊飯磨麵食皆宜

蔬屬

葱

群芳譜一名扎一名菜伯一名和事草一名鹿胎畿輔舊志有四種曰凍曰胡曰

良鄉縣志

卷七物產志 蔬屬

四

漢曰蒼凍葱即冬葱夏衰冬盛莖葉氣味俱軟美食用最善胡葱狀似大蒜而小形圓皮赤葉似葱根似蒜八月種五月收漢葱春末開花成叢青白色冬即葉枯亦供食品蒼葱即山葱也似葱而小細莖大葉又有一種樓葱人呼為羊角葱亦冬葱之類

韭

群芳譜一名豐本可生可熟可醃可久菜之最有益者爾雅翼韭者嬾人菜以其不須歲種也冬月移根窖中養以火炕培以馬糞葉長尺許不見風日色黃嫩謂之韭黃味甚美惟京師及天津有之

蒜

群芳譜一名葫一名大蒜一名葷菜處處有之而北土以為常食苗嫩時可生食夏初莖秋月食種乾者可食至次年孫恂唐韵云初時中國止有小蒜張騫使西域始得大蒜種

芥

群芳譜一名辣菜種類不一葉可生食又可醃以爲菹可釀以爲齏子研末泡爲芥醬和菜侑肉辛香可啖霜降後取其根置罈甕中以鹽醃之脆如蘿蔔愈久愈佳北人以爲常食

芹

群芳譜一名楚葵一名水英赤白二種白芹取根赤芹莖葉並堪作菹又有一種馬芹爾雅謂之芟葉細銳可食亦芹類也

薤

群芳譜一名藟子一名菝子韭類也今俗呼爲小葱本草薤葉似韭而中空其體光滑露亦難停故古人有薤露之歌

椒

一名花椒又名秦椒以產自秦地故名葉青皮紅花黃膜白子黑秉五行之精最易蕃衍又有一種番椒白花子如禿筆頭色紅鮮味甚辣俗亦呼爲秦椒

茴香

良鄉縣志

卷七物產志 蔬屬

五

一名藿香有大小二種味芳辛可作食料

蘼荳

一名胡荽味香生熟俱可食今人謂之香菜

蘿蔔

一名萊菔一名蘆菔一名紫花菘一名土酥處處有之北土尤多狀有長圓二類根有紅白紫三色生沙壤者脆而甘生瘠地者堅而辣根葉俱供食品可生可熟可菹可齏可醬可糖乃蔬中之最有益者又一種曰胡蘿蔔元時來自胡地故名葉碎根細長內外皆紅色心稍黃又有一種色青或紫生食味甘而微辣能降火化痰止咳可以代梨俗謂之脆水蘿蔔

蔓菁

一名葍一名蕪菁一名諸葛菜四時皆有苗葉根俱堪食子可打油燃燈甚明

菠菜

一名菠薐一名赤根菜出西域頗陵國春初嫩而且美春暮漸老沸湯泡過曬乾

可久食

白菜

一名菘有二種一種莖扁薄春種夏食一種莖圓厚夏種秋收窖藏可以過冬菜中之最堪常食者羣芳譜黃芽菜白菜別種葉莖俱扁葉綠莖白惟心帶微黃燕京圃人以馬糞擁培不見風日苗葉皆嫩黃色脆美無滓佳品也

同蒿

莖肥葉綠有刻缺微似白蒿甘脆滑膩莖以佐日用最爲佳品

蒿苳

四月抽莖高三四尺生食味清脆醃食亦佳江東人鹽曬壓實以備方物謂之苳筍

蒼蓬

一名恭菜群芳譜葉青白色似白菜葉而短莖亦相類但差小耳煮熟食良

芸薹菜

良鄉縣志

卷七物產志 蔬屬

六

一名油菜以子可打油也

山藥

負暄雜錄曰本名薯蕷唐代宗諱豫改薯藥宋英宗諱曙遂名山藥

甘藷

群芳譜一名番藷有紅白二種北人多食之熟食味甘若以火煨熟其甘如栗今村村皆種幾與五穀爭功矣

擘藍

芥屬根極脆生熟俱可食凡菜根皆在土中此獨在土上

茄子

群芳譜一名落蘇有紫白二種紫者又名紫膨脝白者又名銀茄又一種白者名渤海茄形圓有蒂有萼大者如甌

蘑菰

卽地菌也博物志菌味美而常毒殺人

藕

爾雅荷芙蕖其根藕良無水田多坑種若作為粉和糖沖食益人最大嫩時生食可代鮮果作菜佐饌亦佳

荸薺

舊名烏芋又名蔦茨

薺

爾雅可作菹及羹

莧

羣芳譜凡六種

藜

羣芳譜一名地膚處處有之苗嫩時可作蔬至秋而幹成子落以草束其腰用石壓扁可為帚故又名獨帚今俗名呼為掃帚苗

苦菜

良鄉縣志

卷七物產志 果屬

七

一名苦蕒野生月令孟夏苦菜秀即此物也味苦寒無毒夏日宜食能益心和血通氣

果屬

桃

種類甚多實有大小熟有早晚愈晚味愈甘以久經風露故也邑境所產果實桃為最盛且佳美遠勝山桃

杏

有數種長安客話杏仁味皆苦有一種甘者名巴旦杏或謂之八丹杏食物本草杏仁雙生者有毒不可食

李

埤雅李性難老枝枯子亦不墜良產有紫黃二種

梨

有數種色形香味種種不同甘如蜜脆如菱可以消煩解渴果中之佳品也邑境所產如秋梨紅縉梨二種味既甘脆更耐久藏尤足供不時之需

棗

一名木密有數種大者棗小者棘孟子曰養其楨棘即今之酸棗也齊民要術旱澇之地不任稼穡者種棗則任矣

蘋婆果

俗名蘋果有白赤青三種畿輔志其花紅白雅淡花中之最可愛者其果尤爲北地之佳品

林擒

畿輔志俗名甜果即林擒又繇而沙者曰沙果

柰

羣芳譜樹與葉皆似林擒而實稍大有青赤白三種

柿

良鄉縣志

卷七物產志 果屬

八

木中根固柿爲最其味甘美消煩解渴與梨同功古云柿凡有七絕一樹多壽二葉多陰三無鳥巢四少蟲蠹五霜葉可玩六嘉實可啖七落葉肥大可以臨書

石榴

博物志張騫使西域得自安石國

葡萄

漢書種出大宛張騫所致有綠紫白三種一種色白形長於棗而微瘦其味甘而不酸較圓者尤美俗謂之羊乳葡萄又一種實小而無核味極甘

核桃

一名羌桃又名胡桃以張騫自胡羌得其種故名

山查

俗名山裏紅本草有大小二種小者入藥若製爲糕色如珊瑚味甘酸極美無花果

樹似胡桃不花而實生青熟紫味如柿而無核

文官果

葉似榆而尖長周圍鋸齒紋春開小白花成穗花落結實大者如拳
落花生

種宜沙地炒食煑食均佳亦可壓油近得外洋之種較中華之產大數倍種者頗多

苾屬

黃瓜

有青白二種按本草張騫自西域得其種本名胡瓜拾遺錄隋大業四年避諱改
胡瓜爲黃瓜今俗以月令之王瓜生卽此誤矣王瓜草挈也一名土瓜生籬落間
結子如彈丸生青熟赤見月令注及爾雅正義

西瓜

學圃雜疏金主征西域得之故以西名種類甚多顏色各異近有一種皮瓢子皆

良鄉縣志

卷七物產志 苾屬

九

白色名三白瓜味尤甘

甜瓜

有數種顏色不同名稱各異總以香而甘者爲上品

菜瓜

俗名梢瓜可生食亦可醃以爲菹又一種形圓熟最早名蘇瓜生食之甚脆

南瓜

俗名倭瓜其實生青熟黃或扁或長形質不一可飽人北方以爲常食又一種純
白色亦名南瓜可作蔬

冬瓜

羣芳譜一名白瓜一名水芝一名蔬蔬其實長者如枕圓者如斗皮厚有毛初生
青綠色經霜則白如塗粉

絲瓜

嫩時充蔬老則其瓢如絲可滌器

番瓜

俗名西洋瓜形如南瓜而有紅綠紋熟時燦爛可觀可為玩具亦可作蔬

攪瓜

色白形圓長秋後熟時置冷處使凍凍堅煮以清水用棍攪之皆成細絲故名

攪瓜

壺

卽匏也俗名葫蘆種類不一有大如盆盎者有小如拳者有柄長數尺者有中作亞腰者隨形製器為用甚廣其味有甘苦之別甘者可食苦者有毒

瓠子

羣芳譜江南名扁蒲苗葉花俱似壺結實長一二尺亦有短者味淡可作蔬

貨屬

絲

良鄉縣志

卷七物產志 貨屬

一〇

急就篇註抽引精繭出緒曰絲按北方乏蠶桑之利一切織染之法均所不解間有養蠶之家而所產絲繇遠不及南方之精潔蓋由天時地利南北各殊非僅人工之未善也

棉

一名吉貝花俗呼棉花本草棉有草木二種草本者出南番宋末始入江南今則徧及江北與中州矣不蠶而繇不麻而布利被天下其益大矣按草棉種宜沙土先將地耕熟至穀雨時下種先將子用水浸片時漉起以竈灰拌勻每穴種五六粒用糞或麻餅壅之待苗出時將太密者芟去止留肥者二三苗長成後不時摘頭使不上長則花多繇密至於鋤草須勤白露後收繇以天晴為幸子可打油葉堪飼牛近美棉傳至中國種者頗多獲利亦頗厚其枝柯大於華棉數倍故結綿亦大於華綿數倍但種植之法少不同耳

麻

爾雅疏麻一名臬本草大麻有實者名苴無實者名臬又一種名縶亦臬屬俗呼

瓊麻

線

有一種草棉其絨最長俗名長絨花用以紡線甚佳

靛 卽藍草也苗高二三尺花葉如水蓼實亦如蓼子而黑大二三月下種至苗高二寸許分栽成行勤澆水夏至前後看葉上有破紋方可收割收後以池漚之取其清汁貯缸中投以石灰次日變黃色再用木爬頻頻攪之俟變至紫黃色則去水而成靛矣

蜂蜜

有黃白二色白爲上黃次之按爾雅翼北方地燥蜂多在土中故曰土蜜今則畜蜂之家皆構木以爲蜂房有多至二三十間者非盡土蜜也

黃蠟

卽蜂蜜滓也以布漉淨其蜜將渣再熬俟融化傾入水中則成蠟矣

良鄉縣志

卷七物產志 木屬

一一

黃酒

遠邇馳名京師尤重之按酒以地傳者如浙之紹興惠泉等處蓋因其地泉甘而居人善於造釀故爾得名若良之黃酒則係山東人在邑中設肆以酤之居人殊不解造酒法也

木炭

木屬

松

周禮職方氏冀州其利松柏其木爲棟樑甚堅可經久

柏

爾雅疏柏一名栲作棺椁甚堅但其木無多故其價最昂

檜

一名栝柏葉松身體堅難長本聳直而皮薄肌細至冬葉更青翠又松葉柏身者

名樅

槐

爾雅註槐葉大色黑者名爲櫟又一種枝從頂生屈曲盤結下垂如蓋名龍爪槐又名盤槐

椿

易長而壽春時芽可充蔬俗名香椿又一種葉似椿而味臭有花而結莢其名曰樗俗呼臭椿其實非椿也

榆

有數種葉皆相似但皮及木理有異刺榆身多刺白榆一名粉初春先生莢謂之榆錢味甘可作羹其皮磨爲麵性黏如膠諸米麵之散而不黏者攪榆麵和之則固結有力矣

柳

有官柳垂柳二種初春生柔荑開黃花以漸生葉至暮春花中結細子如粟米上

良鄉縣志

卷七物產志 木屬

一一一

帶白絮隨風飛舞乃官柳也若叢葉成陰長條數尺嫋嫋下垂者垂柳也又一種檉柳幹不甚大赤莖弱枝葉細如絲縷一年二次花其花粉紅色形如蓼俗名三春柳

楊

有白楊青楊二種白楊葉似梨而長厚面淡青而背白蒂長兩兩相對遇風則簌簌有聲高至十餘丈人多植之墓道間青楊小於白楊葉似杏而長大青綠色本亦聳直

梧桐

說文梧桐木一名櫟此木北地不多

桑

典述桑箕星之精蠶食其葉爲文章北方不善養蠶故於植桑之法不甚講求國家設官立局以爲化導終不見進步也

楸

爾雅釋木椅梓卽楸韻會楸與梓本同末異若檜之柏葉松身

杜

爾雅疏杜一名甘棠卽今之杜梨也可任剗斲

冬青

一名萬年枝女貞別種也經冬不凋墳墓間多植之

皂莢

一名皂角實如刀豆而長大可入藥並能去垢婦女浣衣多用之

竹

按竹之類甚多利亦甚廣北方土燥非其所宜間有種者不過爲園亭之點綴而已

藥屬

地黃 本草菊花心者佳用沉水者浮水者不用

良鄉縣志

卷七物產志 藥屬

一三二

牽牛 一名草金鈴有黑白二種

枸杞 爾雅疏一名枸杞一名苦杞一名地骨

益母

麻黃

三稜 本草色黃體重若鯽魚而小者良

菟絲 其生每纏於豆秧豆爲之枯其子可入藥

薏苡 俗名草珠兒

栝蓮 俗作瓜蓮

天花粉 卽栝蓮根

蒼耳 卽詩所謂卷耳也俗名蒼子

藍實

地榆 本草似柳根外黑裏紅

菖蒲

防風

荊芥 本草一名假蘇

知母

地膚子

車前子 卽芣苢爾雅翼幽州人謂之牛舌草

蒲公英 本草一名黃花地丁

蒺藜 爾雅註茨一名蒺藜

酸棗仁

透骨草

茵陳

蓖麻子

紫花地丁 葉似柳而細夏開紫花結角

薄荷 有家野二種

良鄉縣志

卷七物產志 藥屬

一四

大小薊 大薊莖高而葉皺小薊莖低而葉不皺

艾 畿輔志有家野二種爾雅疏艾一名冰臺

瞿麥 爾雅釋草大菊蘼麥郭註一名麥句薑卽瞿麥

蛇牀子 一名蛇粟一名蛇米一名虺牀一名馬牀一名墻藤

葶藶 有甜苦二種甜者性緩苦者性最急

扁蓄 一名扁竹

香附 一名莎草根

青蒿

芫蔚子

澤蘭 一名虎蘭一名水香一名都梁香一名龍棗一名虎蒲一名風藥一名孩兒

菊生下濕地二月生苗一出土便分枝梗葉

馬兜鈴

王不留行

旋覆花 一名金沸草

白茅根

蘆根

燈籠草 一名酸醬 一名醋醬 一名苦耽 一名天泡草 一名王母珠 一名洛神珠燕

京野果名紅姑孃外垂絳囊中含赤子如珠酸甘可食

敗醬草 一名苦菜 一名澤敗 一名鹿腸 一名鹿首 一名馬草

野菊花 一名苦如意 一名苦薏

瓦松 一名昨葉何草 一名瓦花 一名向天草 一名鐵脚婆羅門草 一名天王鐵塔

草

浮萍

鳳仙草 一名海納 一名旱珍珠 一名小桃紅 一名染指甲草

黃荊子

老觀草

良鄉縣志

卷七物產志 藥屬

一五

桑白皮

桑葉

槐實

槐蘑

椿根皮

側栢葉

地骨皮

桃仁

杏仁

胡桃 一名核桃 一名羌桃

青龍衣 卽胡桃青皮也

麥芽

穀芽

火麻仁

馬齒莧 一名馬莧 一名五方草 一名長命菜 一名九頭獅子草

冬瓜 一名白瓜 一名水芝 一名蔬蕪

菜菔 一名蘿蔔 一名蘆菔 一名電葵 一名紫花菘 一名溫菘 一名土酥

荷葉

朴硝

雞內金 一名雞胓脰

牛黃 一名丑寶

蛇蛻 一名蛇殼 一名龍退 一名龍子衣 一名龍子皮 一名弓皮 一名蛇符 一名蛇筋

蟬蛻 一名腹蛻 一名金牛兒

明月砂 一名翫月砂

良鄉縣志

卷七物產志

花屬

一六

天鼠屎 一名石肝 一名夜明砂 一名黑砂星

原蠶砂

猬皮 一名蝟鼠 一名彙毛刺

蚩蟲 一名蜚蚩

蜂蜜 一名蜂糖 生巖石者曰石蜜 又曰石飼 又曰巖蜜

花屬

牡丹

北地最多花有五色千葉重樓之異

芍藥

古名將離 古今注芍藥一名可離 故將別以贈之

梅

按范石湖梅譜有九十餘種 其榦愈老愈佳 北方地寒不宜地種 惟植作盆景而

已

菖蒲蘭

鳳眼蘭

海棠

帝京景物略上西府次鐵梗次垂絲贗者木瓜辨之必以其葉木瓜花先葉海棠
葉先花

丁香

一名百結有紫白二種

碧桃

有紅白二種開於初春

郁李

一名棠梨枝葉似李而小花有赤白粉紅三色實若櫻桃而赤味酸甜可食

迎春

良鄉縣志

卷七物產志 花屬

一七

一名腰金帶

夾竹桃

又名絳桃其花終年不斷吾良人家多養此花

玫瑰

採其花漬以糖入茶食之餽味極甘美

金銀藤

一名忍冬

紫薇

一名百日紅

月季

一名鬪雪紅俗名月月紅

紫荊

一名滿條紅

長春花

一名金盞草

木槿

詩鄭風顏如舜華註舜木槿也

酴醾

蔓生多刺引其條以架承之則葉茂而花繁

薔薇

蔓生花有五色結屏最佳

石榴花

一種中心花瓣如起樓臺名重臺榴花花最大而色尤豔按石榴有單葉千葉之分單葉者結實千葉者不結實

萱

一名宜男一名忘憂草又一種名鹿葱亦萱類

良鄉縣志

卷七物產志 花屬

葵

有蜀葵錦葵向日葵三種蜀葵花有數色古名蓂又名戎葵一名衛足葵以傾葉向日不令照其根也錦葵花綴於枝單瓣小如錢色粉紅上有紫縷紋向日葵高丈餘葉大於蜀葵每幹祇一花黃瓣大心其形如盤花常向日

雞冠

有紅紫黃白青數種

金雀

叢生高數尺花色黃形尖旁開兩瓣勢如飛雀最可愛春初即開

石竹

一名石菊又一種與石竹相類名洛陽花

鳳仙

一名小桃紅一名海蔘一名旱珍珠又名菊婢有數種葉皆相似而花色各異其實名急性子

罌粟

一名御米一名賽牡丹

荷

總名芙蓉別名芙蓉一名水芝爾雅釋草荷芙蓉其莖茄其葉蓮其本密其華齒
百其實蓮其根藕其中的的中薏

蓼

一名水荳花

馬纓

其樹甚茂花瓣細如絲鮮紅可愛故得此名

六月菊

花似菊而黃心自六月開至秋故名俗謂之江西蠟

千日紅

俗謂之火毬兒

良鄉縣志

卷七物產志 花屬

一九

野茉莉

花數色以其有香故得此名

玉簪

有紫白二種白者甚香

秋海棠

一名八月春即斷腸花也

菊

帝京景物略菊種最繁種菊之法自春徂夏辛苦過農事

西番蓮

先僅有紅者現五色俱備

夜落金錢

一名子午花

望江南

此花舊志未註未知俗名何花
珍珠花

花色白小而圓似珠因以得名

草屬

蒲

嫩芽可食老可製扇爲用甚多且生於水中一色青蒼可與岸邊楊柳助池塘之風景

荻

生於水傍不似葦之中空質堅於葦且綠水行舟雲煙浩渺不啻在畫圖中也

蘆

一名葭又名葦說文葦大葭也

煙草

良鄉縣志

卷七物產志 草屬

二〇

原名淡巴菰後人製爲潮煙水煙今紙煙尤盛行宇內

芭蕉

北方無甚茂者聊以點綴庭除而已

苜蓿

嫩時可食老可飼馬留其根明年復生

老少年

一名雁來紅

酸漿草

爾雅釋草歲寒漿疏歲一名寒漿卽今之酸漿草又名王母珠又名燈籠草俗呼紅姑娘

馬蘭

其葉似蘭花色紫而不香曠野坡邊多有之

芄蘭

草木蟲魚疏幽州人謂之雀瓢

水葱

葉似葱而高大好花卉者每種荷缸中以爲點綴

藻

說文水草也按藻水草之有文者故古人以之喻文彩

莎

博雅地毛莎藓也

蓬

經霜根斷隨風而轉故古有轉蓬之喻

蒿

爾雅釋草藜之醜秋爲蒿註春時各有種名至秋老成通呼爲蒿

茅

說文菅也

良鄉縣志

卷七物產志 禽屬

一一一

苔

一名蘚陸龜蒙苔賦高有瓦苔卑有澤葵散岩竇者曰石髮補空田者曰坦衣在屋曰昔邪在水曰陟釐

禽屬

鵝

一名舒雁性喜水以雌雞伏其卵則生雛

鴨

爾雅釋鳥舒鳧鶩疏鶩鴨也一名舒鳧

雞

又名德禽肉可充庖卵爲用尤廣現外洋爭購其價頓增幾與珍饈並貴矣

鴿

又名鶉鴿每自來人家簷下卵味美可登華筵糞作肥料可培蔬圃其價日昂亦

獲利之一端也

烏

廣雅純黑反哺者謂之烏小而腹下白不反哺者謂之鴉又白項而羣飛者名燕烏又名寒鴉

鵲

古今註鵲一名神女婦孺早起見其鳴於庭樹則謂之報喜

鳩

拙而不善營巢能喚雨呼晴詩人多詠之

燕

一名鳧一名元鳥春來則巢於樑間

黃鸝

即鶯也按此鳥別名甚多隨地而異

鷓鴣

良鄉縣志

卷七物產志 禽屬

一一一

說文鷓鴣也每捕鳥雀食之

鷓鴣

其性善鬪有養之以為戲者

鷓

一名伯勞善啼之鳥也

鷓

一名春鉏或浴清波或眠沙岸直與蒹葭荷芰同入畫圖

鷓

又名野鴨浮沈水中隨波上下飲啄自由忘機之鳥也

鴛鴦

北方不多宋范石湖過琉璃河嘗詠之

鵝

一名淘河

鸛

水鳥禽經鸛俯鳴則陰仰鳴則青羣繞族飛必有風雨

鳶

俗名鷓鷹能知風鳴則風至

鷓鴣

埤雅鷓鴣臆前有白圓點文多對啼常向日其鳴自呼云鉤輅格磔行不得也哥

哥

戴勝

禮月令戴勝降於桑春來之鳥也

割麥插禾

俗呼光棍奪鋤

啄木

爾雅疏啄木鳥一名鴛

良鄉縣志

卷七物產志 禽屬

一三三

鷓鴣

俗呼青莊

禿鷲

玉篇水鳥也一名扶老又名鷲鷲

布穀

俗名可穀詩人多詠之

阿濫堆

畿輔志阿濫似山鵲而小

灰串

畿輔志北畫眉一名灰串

雀

有瓦雀靛雀黃雀桃雀各種瓦雀古今注一名嘉賓言常常棲宿人家如賓客也土人呼為家雀靛雀形如瓦雀而色黑俗名自自回回黃雀體肥可為炙桃雀禽

經狀類黃雀而小燕人謂之巧婦亦謂之女匠

鷓鴣

玉篇鷓鴣小鳥在葦爾雅曰桃蟲鷓也微小黃雀其雛化爲蜩詩曰肇允彼桃蟲鷓鴣是也

寒號蟲

夜寒則鳴其糞可入藥曰五靈脂

蝙蝠

一名服翼其糞可入藥曰夜明沙

鴟鵂

惡鳥每入人家庭樹夜鳴則謂爲不祥習俗然也

獸屬

牛

良鄉縣志

卷七物產志 獸屬

二四

本地所產耕地輓車力勝騾馬吾良食牛肉者寥寥誠風俗之美也

馬

本地所產性最馴良可騎可駕現來自口外者不似昔日之多矣

羸

俗作騾古今注驢爲牡馬爲牝生羸正字通羸似驢而健驢力在髀羸力在腰乘者宜隨其力進退之

驢

說文衛地出驢故名驢曰衛吾良爲南北通衢以驢載過客者甚多

犬

曲禮疏狗犬通名若分而言之則大者爲犬小者爲狗故月令皆曰犬而周禮有犬人職無狗人職也吾良有義犬塚載於縣志

羊

大半販自口外得麥苗則肥然吾良食之者不及豬肉之多

豕

歲時伏臘家家必需故皆豢之然城鎮畜之者多不設圈陋俗也

貓

埤雅貓睛子午卯酉如一線寅申巳亥如滿月辰戌丑未如棗核鼻端常冷惟夏至一日暖

狐

吾良不多有獵者或偶得之

兔

俗呼野貓獵者取以為脯

狼

禾稼深時或偶來自西山然僅食雞豚而已不至為地方之害也

獾

每穴於古墓得之者取其膏可治燙瘡

良鄉縣志

卷七物產志 獸屬

二五

狸

吾良不多見間有獲之者為取其皮也

蝟

俗呼刺蝟夜間靜院每見之

鼠

按爾雅釋獸鼠有數種今田間有小獸似鼠能於地中行所過之處土墳起即爾雅之所謂鼯鼠也又一種狀如鼠而稍大蒼色修尾在樹木上俗名松鼠即爾雅之所謂鼯鼠也家鼠較二種為尤多

黃鼠狼

爾雅鼯鼠註鼯似鼯赤黃色大尾啖鼠江東呼為鼯即黃鼠狼也又名地猴其尾可以製筆

鱗屬

鯉

正字通神農書曰鯉為魚王無大小脊旁鱗皆三十有六鱗上有小黑點文有赤白黃三種現時充饌者以此魚為最多

鯽

一名鮒陸佃曰此魚好旅行吹沫如星以相即謂之鯽以相附謂之鮒琉璃河有之

金魚

以鱗皆金色故名人多蓄之缸中以為玩有赤白黑藍數種藍者尤貴

魴

一名鰈琉璃河甚多其味不美

鱒

草木蟲魚疏鱒似鱒而鱗細於鱒赤眼

鱧

良鄉縣志

卷七物產志 鱗屬

二二六

俗名黑魚或謂其能犯病謹慎者多不敢食

鯊

通雅鯊吹沙小魚黃皮黑斑

鮎

爾雅註鮎別名鮠

鱣

本草圖經鱣似鰻鱧而細長似蛇而無鱗有青黃二色生水岸泥窟中

鱣

吾良各水不多見之

鱣

爾雅註今泥鱣吾良各水皆有之

介屬

鼈

俗呼脚魚有嗜之者每以供饌

蟹

吾良用以充饌者多來自衛河聖水生者不如衛河之美

蝦

剝而烹之味甚鮮美乾者且可久藏吾良各水大者無多

蛤

禮月令註大蛤曰蜃小者烹而食之其味極美

螺

生於水中有數種其肉可食然不及蛤

蝸牛

雨後壁間多有其行蹤盤旋如綫

蟲屬

良鄉縣志

卷七物產志 蟲屬

二七

蠶

元中記蠶有八種皆能食葉吐絲吾良不善種桑故養蠶者甚少

蜂

有蜜蜂土蜂馬蜂三種養蜜蜂者獲利甚厚但吾良養之者不多

蟻

爾雅疏其大者別名蚍蜉吾良童子見之皆不殘踏誠民風之厚也

蟬

帝京景物畧土人呼為唧蟬三伏鳴者聲躁以急曰伏天入秋而涼鳴則淒短曰

秋涼

螽斯

草木蟲魚疏青色以股鳴或謂之春箕蟲之不妬忌一母百子者也

螢

雨後庭前流光上下破清夜之寂寥

蛺蝶

天晴日麗來往花間助群芳之鮮豔
絡緯

帝京景物畧便腹青色以股躍以短翼鳴其聲聒聒名之曰聒聒兒

蟋蟀
草木蟲魚疏幽州人謂之趣織其性善鬪通都大邑中每以此為樂趣焉
莎雞

草木蟲魚疏幽州人謂之蒲錯如蝗而斑色毛翅數重下翅正赤六月中飛而振羽索索有聲

螳螂
爾雅疏捕蟬而食有臂若斧

螻蛄
本草一名天螻一名仙姑穴土而居有短翅四足雄者善鳴而飛雌者腹大羽小

良鄉縣志

卷七物產志 蟲屬

一一八

不善飛翔吹風食土喜就燈光

阜螽
俗呼螞蚱農田往往為災幸吾良不常遇也

蜘蛛
小蜘蛛長脚者名蠪蛸俗呼為嬉子此蟲來著人衣當有喜又一種類嬉而色白

能緣壁捕蠅曰蠅虎

螻蛄
即寒螿

蛾
古今注善拂燈一名火化一名慕光

蟻
爾雅疏蛸蟻一名蟻娘黑甲翅在甲下噉糞土喜取糞作丸而轉之莊子蛸蟻之智在於轉丸是也

蜻蜒

又名蜻蛉有青黃紅黑四種天欲雨院中水上時見之

果贏

一名蒲盧似蠶而腰細俗呼為蠨螋

螟蛉

爾雅疏一名桑蟲陸機云螟蛉者桑上小青蟲也似步屈其色青而細小或在草萊上果贏取桑蟲附之木空中七日而化為子

竈馬

酉陽雜俎狀似促織好穴竈旁今俗呼竈雞

蛙

俗名蝦蟆腰細口大者名田雞背黑無點者名蟾蜍古今註蝦蟆子曰蝌蚪形圓而尾大尾脫則脚生雨後則鳴吾良近水之鄉其聲聒耳

蚓

良鄉縣志

卷七物產志 蟲屬

二九

古今註一名曲蟾善長吟於地中

蜉蝣

一名渠略爾雅註似蝓蟻身狹而長有角黃黑色叢生糞土中朝生暮死豬好啖之

蛇

酉陽雜俎有水草木土四種老屋往往有之見之令人生畏

蠹

通俗文云蠹長尾謂之蠹夏晚每出壁間不慎者輒被其害

蝮蛇

一名守宮俗名曰蠹虎有二種其長細五色者曰蜥蜴說文在壁者曰蝮蛇在草者曰蜥蜴

蚰蜒

夏間涇地恒有人或地坐每襲入人衣人輒被其害

蜈蚣

抱朴子蜈蚣見蛇能以氣禁之蛇即死

蟬

即蠹魚爾雅註衣書中蟲一名蚘魚

斑蝥

毒蟲也然可入藥天下殊無棄材

蠚蟧

本草蠚蟧大者如足大指以背滾行

蠅

室中不潔或置有食物往往不勝其擾

蚊

夏間積雨之後羣聚如雷夜眠不勝其苦

嬰

良鄉縣志

卷七物產志 蟲屬

三〇

蠓

俗呼臭蟲隱於牆際潛滋暗長殊難一律肅清

爾雅疏小蟲似蚋亂飛者也

蛄蝻

爾雅疏方言云蛄蝻謂之強蟬今米穀中小黑甲蟲也

蚤

溼地多有每從足下襲入人身令人可惡

